

隨司歲以求備。擇選產區。揀地道以定良窳。斯可得藥之大用。而收療治之速效也。又况用藥。尤有生用熟用之不同功。復有用根、苗、莖、葉、花、實、之異性。此質味氣性之考究。在古代醫者。莫不再三注意焉。故用根。則採於葉實黃落之時。用苗者。則採於苗成花未佈之際。用莖者則擇莖長足時而採。用葉者則擇葉初盛時採之。用花者則當花初敷佈時採。用實者則宜見實長足時乃收。此皆生用者之梗概。而熟用者。則當遵法泡製。乃能呈藥物之特長。收療治之大效也。否則於不治亦愈之微病。或可不藉憑藥力得獲瘥痊。若遇危難險惡證候。而弗慎於藥。勢必不能肉白骨而起沉疴矣。晚近醫者。既非隸制政府。復無受祿等差。診一病即書一方。已畢其責。於藥物之供給。病證之變遷。不任其咎。此所以醫日多而道日晦。藥雖多而效用微。良可悲也。醫於厥職。不亦暴棄乎。際此科學昌明時代。優勝劣敗。為天演公例。我國醫術發明最早。而又有數千年深長歷史。至於今竟駸駸乎不可終日。而尚不思振發。則其亡可立而待也。今者我國醫欲求闡發。其當務之急。則宜醫當備藥。於救急之丸散丹膏醴飲膠液。應遵古設備。於扶危之刺灸按摩療術。宜實習精研。庶幾使病疾者。得神速應驗之效。而我醫者。收事半功倍之能。夫如是。自可改社會心目之慮疑。得世界人羣之崇信也。

(完)

羅哲初之古本傷寒雜病論評議

湖南

張拱端

劉崐湘君之古本傷寒已版。羅哲初君之古本傷寒又現。余對於劉崐湘君之古本。觀後擬有感言一篇。業已附入拙著之(傷寒會參)內。以便同人。辨別紫朱。對於羅哲初君之古本。前已函陳周歧隱君。聊談真偽。茲又見報紙中。同人等殷殷慕古。欲再發羅祕之珠玉。以定紛紜之波瀾。余見及此。爰將得見羅氏古本之來由。與寄周歧隱君之一函。敘之于下。以釋同人渴望。時在去冬。承周歧隱君。命門徒抄寫羅君之古本傷寒雜病論見示。其書雖未完抄。而原書中左盛德之序文。並全書目錄。以及風病證治寒病證治兩篇。全行抄出。囑余審查。周歧隱君之徵求古訓。虛懷下就。足見提倡國學。濟世活人之深心也。余雖不敏。誼不敢辭。於是取左盛德光緒二十年之序文觀之。其書原係張紹祖傳之左盛德。由左盛德傳之羅哲初。由羅哲初。始行發洩秘藏之聖書。張紹祖、諱學正、自謂為仲景四十六世孫。言伊家傷寒一書。相傳有十三稿。茲所存者。為十二稿。叔和所得者。為第七次稿。餘為族人所祕云云。觀其目錄。比劉氏古本多六氣主客一篇。雜病例一篇。風病證治寒病證治各一篇。然六氣主客。雜病例之正文。雖未目覩。而風病寒病二篇。分條指定五臟受邪。理想文法。與劉本暑濕等篇無異。觀閱之下。伏思吾輩庸人。或有著作。欲審精詳。其稿不過三易而止。仲景以天資敏捷。學問精稔。

學 說

內經靈蘭秘典十二官新釋

汕頭

陳漢霖

經云。心者君主之官。神明出焉。（王註任治于物故為君主清靜而靈故曰神明出焉）

〔漢霖按〕經文及註所述心之官能。曰君主官。曰神明所出。尙嫌囫圇。若就生理而論。心臟位胸中。略偏于左。為人身血液之總器關。全臟分上下二部。上部為左房右房。下部為左室右室。房室皆有路徑相通。左右隔離。復有活蓋。以防血液倒流。色赤而紫。其長約三寸六分。重約八九兩。房室每部。約容血一兩六錢。全臟容血約六兩有餘。若就其循環而言。則分大循環。小循環二種。大循環由動脈血。經過分枝動脈。及各組織毛細管。供給養分于各組織。再從各組織。吸收炭養氣。變為暗赤色血液。由靜脈送入心之右房右室。此即大循環。小循環之暗赤血。由右房注入右室。再經肺動脈。及肺泡周圍毛細管網。放炭吸養。變成赤血。由肺靜脈入右之左耳。此即小循環。經謂君主之官。神明出焉。即謂心為全身主宰。血液循環。使不停止。其工作如環無端。出神入化。有不可思議之概。故曰神明出焉。

肺者相傳之官。治節出焉。（王註位高非君故為相傳主行營衛故治節由之）

〔漢霖按〕肺居心之左右。如相如傳。輔助心君。而營其吐炭吸養之作用。故以治節屬之。若以生理之眼光而論。肺為六萬萬肺泡所組成。面積一百三十平方密達。為海綿體。具彈力性。幾占胸膛之半。中有大氣管。上通喉頭。下至胸椎骨邊。歧而為二。相連左右肺葉。為營呼吸之作用。蓋肺左二葉。右三葉。氣管入肺。漸次分歧。而為細氣管。其末端成球形小泡。形如葡萄實。謂之氣泡。是臟貯蓄少許液體。叫做肋膜液。內有薄膜。外有厚膜。皆為保護肺臟之用。經謂相傳之官者。因肺主呼炭吸養之作用。亦人身重要之器關。但其重要較心次一點。王註故謂位高非君。故為相傳。其謂位高者。即指五臟六腑。肺實居至高之位而言。助心君為治。故曰相傳也。

肝者將軍之官。謀慮出焉。（王註勇而能斷故曰將軍潛發未萌故謀慮出焉）

〔漢霖按〕肝屬實質之臟。全體由肝細胞所組成。居膈膜下之右邊。橫長約七八寸。重約二三斤。上凸下凹。分爲四葉。左小右大。有迴血總管。及門脈繞之。散佈小血管于葉內。呈赤褐色。爲消化器之一。能吸收毒素。蓄肝粉。製胆汁。經以肝爲五臟中之最大者。故曰將軍。能製造胆汁入胆囊。以助消化。能容納毒素。以防侵害機能。故曰謀慮出焉。經以將軍及謀慮。定肝之官能。不可謂盡屬影響空談也。

膽者中正之官。決斷出焉。（王註剛正果決故胆爲中正直而不疑故決斷出焉）

〔漢霖按〕膽者。爲滯蓄膽汁之所。生于肝之右葉下基底。略突出于肝之前緣尖端。向于肝門。成爲一管。謂之膽管。此管與肝管吻合。更成一大管。通十二指腸。其作用有四。（一）變脂成乳。（二）潤腸內。使脂肪易于吸收。（三）興奮腸筋。促進蠕動。（四）防腸內物質腐敗。經謂中正之官者。因膽附于肝之中央。言肝爲謀慮。則膽附其中央。故曰決斷。其意謂凡肝所思之事。必由膽決斷。然後行也。古人對於膽字。其運用于外者。不曰膽力。即曰膽識。蓋膽在內。有身內之作用。在身外。有身外之作用。就人身內之工作而言。經所指膽之官能。則就人身外之行爲而言也。

膻中者臣使之官。喜樂出焉。

（王註膻中者在胸中兩孔間爲氣之海然心主爲君以敷宣教令膻中主氣以氣佈陰陽氣和志適則喜樂由是生分布陰陽故官爲臣使也）

〔漢霖按〕膻中者。即心包絡。爲君主外衛。又曰、君主之宮城也。在新生理。則謂爲心囊。主保護心臟。以防其動搖。并防其變態而已。王註謂爲氣之海然。與生理實相刺謬。蓋氣海實在肺臟。而與膻中之心包絡。風馬牛不相及。在生理上。所稱心囊。不過如上所述之官能而已。並無其他作用。王註又謂心主爲君。以敷宣教。令膻中主氣。佈陰陽。氣和志適。則喜樂由生。分佈陰陽。故官爲臣使。此不過就經文臣使之義。望文生訓而已。無研究之價值也。

脾胃者倉廩之官。五味出焉。（王註包容五穀是爲倉廩之官營養四傍故云五味出焉）

〔漢霖按〕脾與胃。實分兩官。後人以倉廩官屬胃。而以脾爲諫議官。茲就脾胃兩官。分而釋之。按脾形如豬腎。在胃之左。近軟肋處。長約四寸。寬約二三寸。厚約寸許。其色紫。含無數血管。及淋巴管。能清淨血液。及製造血液中之白血球。舊醫藉常稱脾主消化。實合脾臟言之。因脾臟橫附胃下部。發生脾液。輸入十二指腸。以助消化。古人生解未深考求。故每每混合言之。職是故耳。胃者、在膈膜下。由腹腔左側至右側。狀如囊。左端膨大。（名胃底）右端稍狹一。（名幽門）。上緣成小弓形。下緣成大弓形。其上口接食管。下口接小腸。其構造爲漿液膜。筋質膜。及粘液膜。組織而成。其消化液。含鹽酸及百布聖。經謂胃爲太倉。而太倉者。藏穀之所也。所謂藏穀者。即留藏食物之總

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

【更多】 >> <https://www.fozhu920.com/list/>